




# Zelandicarum insularum exactissima et nova descriptio

<https://hdl.handle.net/1874/349743>



ZELANDICARVM  
 INSVLARVM EXAC-  
 TISSIMA ET NOVA  
 DESCRIPTIO, AVC-  
 TORE D. IACOBO  
 A DAVENTRIA



1124 = 30

# ZELANDE.



**O**VTES les Isles situées entre Flandres, Brabant, Hollande, & la Mer, comprend Zelande sous soy. Dont y en a iusques au nombre de sept principales, avec encore certaines autres de petit importance, faisant toutes ensemble une Conté. Ces Isles sont tellement subiectes à la tempeste & inconstance de la Mer, que ce que l'on en escrit aujour-d'hu y pour chose veritable, demain (helas) n'en sera rien: car l'une des fois une de ces Isles sera grande; demain, ou apres, la Mer (en y ostant quelque piece) la rendra petite. Aucunes fois la Mer passant par le milieu de quelque Isle, d'une en fera deux; & souuentes fois tout le contraire, à scauoir, de deux une, à l'occasion de certains bancs sablonneux, quelle y iettera entredeux. Auour d'hu y contera autant de villes, demain, ou apres, la Mer en aura emporté une; de sorte que de nostre temps, ou de memoire d'homme, on y a veu perir en Mer (comme escrit Lemnius) cent mille bonniers de terre. Nonobstant nous le descriuons comme il est de present en estre. Ces Isles se diuisent pour le iour d'hu par l'Escaut en deux parties: du costé de Leuant, ilz les appellent, Beofter scheldt, comprenant ces trois Isles, Scouwe, Duuelandt, & Tole. Du costé de Ponant, y a Bewester scheldt, contenant quatre Isles, Walchere, Zuydbeuerlandt, Noordbeuerlandt, & Wolferdijck. En ces sept Isles y a huit villes murées, à scauoir, Middelbourg, Vlissingue, & Veer, en Walchere; Rommerswael & Goes, en Zuydbeuerland; Ziericzee, en Schouwe; Tole, & Martensdijck, en l'Isle ainsi appelée: sans aucunes autres, qui ne sont pas murées, ayant Police civile; & encore cent & deux villages. La ville de Middelbourg est la Capitale de toutes ces Isles, & y a l'estape de tous les vins qui par mer y arriuent d'Espagne, Portugal, & France. Ces Isles sont assez fertiles; de sorte que le bled venant de là, est estimé le meilleur; & un bonnier de terre y porte plus de bled, que deux au pays de Brabant. Mais il n'y a point d'eau douce, ny bon air, & peu de boys, au lieu duquel ils bruslent des mottes. La garance y croist en telle abondance, qu'on en fournit quasi toute l'Europe.

Les habitans sont quasi tous Mariniers, ou Pescheurs, auquel mestier ilz font telle diligence, qu'ilz fournissent l'Angleterre de poisson; chose toutes fois esmerueillable, veu que ledit pays est environné de la Mer. Il y a grande traffique de sel, que l'on y amene d'Espagne, de Portugal, & de France, lequel (non sans grand profit) ilz scauent bien rendre blanc. De sorte, que le bled, la garance, le poisson, & le sel rendent les habitans riches, par le grand train de Marchandise qu'ilz en font. Car ilz sont naturellement diligens & soigneux pour acquerir du bien, (comme escrit L. Lemnius de Ziericzee.) Ilz sont assez fins & preuoians, & ne se laissent pas aisement tromper, ny abuser de belles parolles ou par faintise.

Ce peuple (comme on pense assurement) est venu icy du Royaume de Denemarck. d'une Isle située au milieu du pays, appelée Zelande, en laquelle y a la ville de Coppenhaue, ayants appelé ce pays cy du nom de leur patrie Zelande. Mais encore que cela fussent bouurdes, si est-ce que par sa situation il doit, & à bon droit, estre appelé Zelande, comme si diriez, Pays de Mer.